

दे॒वानां॑ पत्न॑या स॒मदं॑ द॒धीत॑ । दे॒शाद॑क्षि॒णत॑ उ॒दीच्य॑-
न्वास्ते । आ॒त्मनो॑ गोपी॒थाय॑ । आ॒शासा॑नासौ म॒नस-
मि॒त्याह॑ । मे॒ध्यामे॒वैनां॑ के॒वलीं॑ कृ॒त्वा । आ॒शिषा॑ स॒म-
ईय॑ति । अ॒ग्नेरनु॑व्र॒ता भू॒त्वा सन्न॑ह्ये सुकृ॒ताय॑ क॒मित्या-
ह॑ । ए॒तद्वै पत्न॑यै व्र॒तोप॒नय॑नम् ॥ २ ॥

तेनै॒वैनां॑ वृ॒तमु॒प॒नय॑ति । तस्मा॑दाहुः । यश्चै॒वं वेद॑
यश्च॒ न । यो॒क्तमे॒व यु॑ते । यम॒न्वास्ते॑ । तस्यामु॒ष्मिँल्लो॒के
भ॑व॒तीति॑ यो॒क्तेण॑ । यद्यो॒क्तम् । स यो॒गः । यदास्ते॑ । स
क्षे॒मः ॥ ३ ॥

यो॒गक्षे॒मस्य॑ क्लृ॒प्त्यै । यु॒क्तं क्रि॑या॒ता आ॒शीःका॒मे यु-
ज्या॒ता इति॑ । आ॒शिषः॑ स॒मृध्यै॑ । ग्र॒न्थिं ग्र॑थाति । आ-
शिष॑ ए॒वास्यां॑ परि॒गृह्णा॑ति । पु॒मान् वै गु॑न्थिः । स्त्री प॒त्नी ।
तन्मि॑थु॒नम् । मि॒थुनमे॒वास्य॑ तद्य॒ज्ञे क॑रोति पृ॒जन॑नाय ।
प्र॒जाय॑ते पृ॒जया॑ प॒शुभि॑र्यज॒मानः॑ ॥ ४ ॥

अथो॑ अ॒र्द्धो वा ए॒ष आ॒त्मनः॑ । यत्प॒त्नी । यज्ञ॑स्य
धृ॒त्या अ॒शिथि॑ल॒म्भावा॑य । सु॒पृज॑स॒स्त्वा व॒यः सु॒पत्नी॑-
रु॒प॑सेदि॒मेत्या॑ह । य॒ज्ञमे॒व तन्मि॑थु॒नीक॑रोति । ऊ॒नेति॑-
रि॒क्तं धी॑या॒ता इति॑ प्र॒जात्यै॑ । म॒हीनां॑ पयोऽस्योष॑धी॒नाः
रस॑ इत्या॒ह । रू॒पमे॒वास्यै॒तन्महि॑मानं व्याच॑ष्टे । तस्य॑